

## ZAPISNIK S ČETVIRTE REDOVNE SJEDNICE VIJEĆA RODITELJA JU TREĆE GIMNAZIJE U ŠKOLSKOJ 2022/23. GODINI

Treća sjednica Vijeća roditelja održana je u utorak 23.05.2023. godine, s početkom u 18.00 sati u prostorijama biblioteke Škole. Na početku sjednice konstatovano je da sjednici prisustvuje 15 članova Vijeća roditelja, te da su se predstavnici II-5, III-2 mail-om potvrdili svoje odsustvo sa sjednice, dok ostali članovi nisu najavili svoj nedolazak na sjednicu.

Predsjednik Vijeća roditelja konstatovao je da je zadovoljen kvorum za odlučivanje. Sjednici su pored predstavnika roditelja prisustvovala direktorica Amra Čolić, zamjenica direktorice Meliha Salihović i psiholog Merima Pašalić, prof. Erna Mujić, učenik Faris Čaklovića – Vijeće učenika i Kerim Hadžić, ispred udruženja „Alumni Treće gimnazije“. Broj prisutnih članova zadovoljava kvorum za odlučivanje.

Prije samog usvajanja predloženog dnevnog reda, predloženo je da točka 6. zamijeni sa tačkom 2., te je isti uz ovu izmjenu, dostavljen Vijeću roditelja na usvajanje i to:

1. Usvajanje zapisnika sa III redovne sjednice
2. Prezentacija projekta saradnje sa školom iz Japana
3. Informacija o poduzetim aktivnostima putem Udruženja Vijeća roditelja u pogledu prevencije maloljetničkog nasilja – predsjednik VR
4. Prezentiranje izvještaja o radu Vijeća roditelja za 2022/2023 školsku godinu – predsjednik VR
5. Odluka o usvajanju zapisnika sa IV redovne sjednice elektronskim glasanjem.
6. Izvještaj o realizaciji projekta Naših ruku djela
7. Informacija o participaciji i osiguranju učenika
8. Tekuća pitanja

Predloženi dnevni red je jednoglasno usvojen.

### **Ad/1**

#### *Zapisnik*

Sjednicu je otvorio Predsjednik VR gđin Hasan Pleh i poželio uspješan rad predstavnicima roditelja u Vijeću roditelja Treće gimnazije. Zapisnik sa treće sjednice Vijeća roditelja JU Treća gimnazija usvojen je jednoglasno sa 15 glasova.

### **Ad/2**

#### *Prezentacija projekta*

Na samom početku, direktorica Amra Čolić dala je uvodne informacije o samom projektu saradnje, te su predstavljeni koordinatorica projekta „Centar izvrsnosti i liderstva Treće gimnazije“, prof. Erna Mujić, učenik Faris Čaklovića (predsjednik Vijeća učenika) i Kerim Hadžić, bivši učenik i predstavnik udruženja „Alumni Treće gimnazije“. Prisutnima je predstavljena sama vizija Centra, koja za cilj ima identificirati izvrsne i talentovane učenike škole, pratiti njihov razvoj i napredak i pružiti im priliku za dalje razvijanje i napredovanje u obrazovanju, razvoju njihovih vještina ali i njihove dalje karijere. Kerim Hadžić je predstavio ukratko projekat saradnje sa školom u Japanu, te pozvao prisutne roditelje da se uključe u akciju kako bi se prikupila novčana sredstva namijenjena za troškove posjete gostiju iz Japana, koja je planirana za kraj jula 2023. godine. Za tu aktivnost, neophodno je da se prikupi više od 50.000,00 KM. Otvorena je rasprava, gdje su mnogi roditelji uzeli svoje učešće. Na kraju, dat

je prijedlog da udruženje dostavi jedan jasniji prijedlog saradnje na uvid sa konkretnim zadacima za sve potencijane donatore i sponzore.

#### **Ad/3**

*Informacija o poduzetim aktivnostima putem Udruženja Vijeća roditelja u pogledu prevencije maloljetničkog nasilja*

Predsjednik VR gđin Hasan Pleh, upoznao je prisutne sa poduzetim aktivnostima i upoznao prisutne sa održanog sastanka Vijeća roditelja KS i Ministarstva odgoja i obrazovanja KS. Informacija dostavljena svim članovima na uvid, sa preporukama u provođenju mjera. Otvorena je rasprava, gdje je učešće uzela i psiholog škole Merima Pašalić koja je dala svoje stručno mišljenje, sa akcentom na edukaciji roditelja prije svega, ojačavanju psihološko – pedagoške službe (kadrovski) i posvećivanju pažnje porodici. Jednoglasno je iskazano negodovanje dostavljenim preporukama nadležnog ministarstva, uz zajednički stav svih prisutnih da se osiguraju uvjeti da škola bude sigurno mjesto za učenje, rad i saradnju svih, a da se na nivou resornog ministarstva napravi analiza i da se ovaj problem mora sistemski riješiti.

#### **Ad/4**

*Prezentiranje izvještaja o radu Vijeća roditelja za 2022/2023 školsku godinu*

Predsjednik VR gđin Hasan Pleh, ukratko je upoznao je prisutne sa radom Vijeća roditelja za prethodnu školsku godinu. Iskazano je zadovoljstvo sa dosadašnjim radom VR i rezultatima koji su napravljeni u mandatu, zajedno sa menadžmentom škole.

#### **Ad/5**

*Odluka o usvajanju zapisnika sa IV redovne sjednice elektronskim glasanjem*

Predsjednik VR gđin Hasan Pleh, upoznao je prisutne sa samom odlukom, na koju nije bilo zamjerki, te je ista prihvaćena jednoglasno od strane prisutnih članova VR.

#### **Ad/6**

*Izveštaj o realizaciji projekta Naših ruku djela*

Direktorica škole Amra Čolić i zamjenica direktorice Meliha Salihović, upoznale su roditelje sa manifestacijom Dani otvorenih vrata i projektom „Naših ruku djela“, koja je održana 04.05.2023. godine. „U 2021. godine sakupljeno je 5501,40 KM, od čega je plaćena ekskurzija u iznosu od 5080, 00 KM. Od ostatka su plaćene maturalne večeri za tri učenika, izrada fotografija i podrška projektu posjete učenika iz Češke. Stanje od prošle godine je 590, 00 KM. Od toga su plaćene tri maturalne večeri za ovu generaciju po 65, 00 KM. Trenutno stanje: 395,00 KM.

U četvrtak 4. maja 2023. godine u sklopu Dana otvorenih vrata Treće gimnazije učenici su prikupili ukupno 6200,10 KM i 5 eura. Roditelj iz odjeljenja III-4, 13. maja donirao još 100, 00 KM. Plaćene ekskurzije za 2 učenika (blizanci – za jedno dijete platili roditelji za drugo škola uplatila cijeli iznos novcem od reliziranog projekta), 1 učenik – slabijeg imovinskog stanja škola uplatila cijeli iznos, 1 učenik škola uplatila iznos od 885, 00 KM i izrada fotografija sa projekta “ Naših ruku djela” plaćeno 19, 40 KM. (6200, 10 KM + 5 Eura 7, 80 KM ( provizija 2, 00 KM) + 100, 00 KM = 6.307,80 KM), od čega je uplaćeno:

- 1035, 00 KM (ekskurzija)
- 3, 00 KM (uplatnica)
- 1035, 00 KM (ekskurzija)

- 3, 00 KM (uplatnica)
- 1035, 00 KM (ekskurzija)
- 885, 00 KM (ekskurzija)
- 19, 40 KM (fotografije)

Ukupno: 2292, 20 KM

Ukupan iznos koji je ostao (2022/2023. godina) = 2687,20 KM“.

Zaključak: Vijeće roditelja donijelo je zaključak kojim podržava prijedlog rukovodstva škole da se 50% od ostatka prikupljenih sredstava od školskih manifestijacija dodijeli projektu saradnja sa djecom Japana u svrhu pokrivanja troškova.

#### Ad/7

*Informacija o participaciji i osiguranju učenika*

Direktorica škole Amra Čolić je prisutne upoznala prisutne sa Smjericama Ministarstva za odgoj i obrazovanje KS u vezi donošenja akta o vlastitim javnim prihodima, a koji se odnosi na participaciju i osiguranje učenika. U prilogu dopis!

---

#### Ad/8

Nije bilo tekućih pitanja!

Četvrta redovna sjednica Vijeća roditelja završena je u 19:50 sati.

Zapisnik s četvrte redovne sjednice  
sastavio Bulend Bišćević, sekretar Vijeća roditelja

---

Zapisnik ovjerio  
gđin Hasan Pleh, predsjednik Vijeća roditelja

